

Pensionit, utoqqarnik paaqqinniffiit il.il. pillugit Inatsisartut peqqussutaata allanngortinneqarnerani Inatsisartut peqqussutissaattut siunnersuut.

§ 1.

Pensionit, utoqqarnik paaqqinniffiit il.il. pillugit Inatsisartut peqqussutaanni nr. 8-mi 22. oktober 1990-imeersumi kingusinnerusukkut allannguuteqartinneqarsimasumi makku allannguutigittinneqassapput:

1. § 8, imm. 1 aamma 2 imatut oqaasertalerneqassapput:

"§ 8. Pensionisiat tunngaviusumik aningaasartaat aningaasartat amerlanersaannik aningaasartalerlugit tunniunneqassapput, tak. siusinaartumik pensionisialinnut isertitatigut aaqqiissuteqartarneq pillugu imm. 2 aamma tunngaviusumik aningaasartat ikinnerfaat pillugit imm. 3, aningaasallu taakku aningaasanut inatsimmi ukiumoortumik aalajangersaavigineqartassapput.

Imm. 2. Tunngaviusumik aningaasartat ukiumi akileraarfiusumi ilisimaneqartumi kingullerpaami pensionisiat saniatigut akileraaruteqaataasussanik isertitat (saniatigut isertitat akileraaruteqaataasussat) tunngavigalugit imatut aaqqiivigineqartassapput:

1) Aaqqiissuteqartarneq kisermaamut aallartissaaq sani-

atigut isertitat akileraaruteqaataasussat aningaasartaat aningaasanut inatsimmi aalajangersarneqartut aningaasartaat amerlaqatigilerpatigit, aningaasallu amerlassusiisa qummut killissaat aningaasanut inatsimmi aningaasat amerlassusissaat aalajangersarneqartut amerlaqatigilerpatigit tunngaviusumik aningaasartat peerneqassapput.

2) Aaqqiissuteqartarneq aappariinnut aallartissaaq saniatigut isertitat akileraaruteqaataasussat aningaasartaat aningaasanut inatsimmi aalajangersarneqartut aningaasartaat amerlaqatigilerpatigit, aningaasallu amerlassusiisa qummut killissaat aningaasanut inatsimmi aningaasat amerlassusissaat aalajangersarneqartut amerlaqatigilerpatigit tunngaviusumik aningaasartat peerneqassapput.

Isertitatigut aaqqiissuteqartarneq imatut pisarpoq:

Tunngaviusumik aningaasartat =

Annerpaamik tunngaviusumik aningaasartat ilanngaatigalugit (annerpaamik tunngaviusumik aningaasartat agguarlugit (akileraaruteqaataasussamik isertitat qummut killissaat imm. 2, nr. 1-imi aamma 2-mi aningaasanut inatsimmi aningaasat aaqqiissutissatut aalajangersarneqartut )) (saniatigut isertitat akileraaruteqaataasussat ilanngaatigalugit imm. 2, nr. 1-imi aamma 2-mi aningaasanut inatsimmi aningaasat aaqqiissutissatut aalajangersarneqartut)-nik amerlisarlugit.

Pensionit saniatigut akileraaruteqaataasussanik isertitat 1000-imik agguarneqarsinnaasumut qaninnermut akun-

naallisinnegassapput. Tunngaviusumik aningaasartassatut taamaaliornikkut inerneq pissarsiarineqartoq 12-imik agguarneqarsinnaasumut qaninnermut koruuninngorlugu akunnaallisinnegartassaaq."

2. § 11 atorunnaarpoq.

§ 2.

Inatsisartut peqqussutaat manna 1. juli 1995 aallarnerfigalugu atortuulersinneqarpoq.

*Imm.* 2. Tunniunneqartartut amerlassusii atuuttut 31. december 1995-ip tungaanut atuutiinnarallassapput.

Namminersornerullutik Oqartussat, ulloq

Lars Emil Johansen

/ Benedikte Thorsteisson

Pensionit, utoqqarnik paaqqinniffiit il.il. pillugit Inatsisartut peqqussutaata allanngortinneqarneranik Inatsisartut peqqussutissaattut siunnersuummut oqaaseqaatit.

**Ataatsimut isigalugu oqaaseqaatit:**

Allannguutissatut siunnersuut manna aningaasartuutit pisartakkatut tunniunneqartartut aaqqiivigineqartaleranerannik tunngaveqartinneqarpoq, tassami 1995-imi aningaasanut inatsisip suliarineqarneranut atatillugu Inatsisartut aalajangermassuk akit pisartakkatut tunniunneqartartunut aningaasartuutitut akit ineriartornerat tunngavigalugu aaqqiissuteqartarneq atorunnaarsinneqassasoq, aningaasanullu inatsimmi amerlassutsinik aalaja-ngiisarnertigut erseqqissutigut taarserneqassalluni.

**Aqutsinikkut kingunerisassai:**

Siunnersuutip aqutsinikkut arlaatigut kinguneqarnissaa ilimagineqanngilaq.

**Aningaasatigut kingunerisassai:**

Siunnersuut 1995-imi aningaasanut inatsimmi naatsorsuutiginetartut aningaasatigut kinguneqarnissaa ilimagi-

-----  
FM 95/19

SD J.nr. 71-03-00

neqarpoq.

**Aalajangersakkanut ataasiakkaanut oqaaseqaatit:**

§ 1:

1) -mut

Allannguut pisartakkat tunniunneqartartut 1995-imi aningaasanut inatsimmi konto nr. 20.05.26-imi aalajangersaavigineqarnerannik tunngaveqarpoq, tassanimi aalajangersarneqarmat akitigut ineriartorneq tunngavigalugu aaqqiissuteqartarneq atorunnaarsinneqassasoq, aningaasanullu inatsimmi akit allanngorarnerat malillugu aaqqiissuteqartarnermit erseqqissumit taarserneqarluni.

2) -mut

Imm. 1 assigalugu immikkoortoq taanna akit ineriartornerat tunngavigalugu aaqqiissuteqartarnerup atorunnaarneranut attuumassuteqarpoq.

§ 2-mut:

Allannguutissatut peqqussut 1. juli 1995 aallarnerfigalugu atortuulersinneqassasoq siunnersuutigineqarpoq, 1995-imi aningaasanut inatsimmi missingersuusiordermi aaqqiissuteqarnermi tunngaviusup anguneqarnissaa siunertaralugu.

Meeqqanut tapiissutit pillugit Inatsisartut peqqussu-  
taata allanngortinneqarneranik Inatsisartut peqqussu-  
tissaattut siunnersuut.

§ 1

Meeqqanut tapiissutit pillugit Inatsisartut peqqussu-  
taanni nr. 4-mi 11. november 1986-imeersumi makku al-  
lannguutigittinneqassapput:

1. § 2 imatut oqaasertalerneqassaaq:

"§ 2. Ukiumoortumik meeqqanut tapiissutit aningaa-  
sartaat aningaasanut inatsimmi aalajangersarneqartas-  
sapput."

2. § 4, imm. 1 imatut oqaasertalerneqassaaq:

"§ 4. Meeqqanut tapiissutisisinnaatitaanermut ani-  
ngaasarsiat akileraaruteqaataasussat aningaasanut inat-  
simmi qummut killissaattut aalajangersarneqarsimasunik  
qaangiisimannginnissaq tungaviuvoq."

3. § 7, imm. 1 imatut oqaasertalerneqassaaq:

"§ 7. Meeqqanut tapiissutit meeqqap pisassarai.  
Meeqqanut tapiissutit kvartalikkaartumik kvartalimi pi-  
neqartumi qaammammi siullermi meeqqap anaanaanut siu-

---

FM 95/19

SD J.nr. 88-04-00

moortumik tunniunneqartassapput."

4. § 14 atorunnaarsinneqarpoq.

§ 2

Inatsisartut peqqussutaat manna 1. juli 1995 aallarnerfigalugu atortuulersinneqarpoq.

*Imm.* 2. Tunniunneqartartut amerlassusaat isertitallu qummut killissaat atuuttut 31. december 1995-ip tungaanut atuutiinnassapput.

Namminersornerullutik Oqartussat, ulloq

Lars Emil Johansen

/ Benedikte Thorsteinsson

Meeqqanut tapiissutit pillugit Inatsisartut peqqussu-  
taata allanngortinneqarneranik Inatsisartut peqqussu-  
tissaattut siunnersuummut oqaaseqaatit.

**Ataatsimut isigalugu oqaaseqaatit:**

Allannguutissatut siunnersuut manna 1995-imi aningaasa-  
nut inatsimmi pisartakkatut tunniunneqartartut aqqii-  
vigineqarnerannik tunngaveqarpoq.

Aamma aalajangersagaq § 7-imi ilanngunneqarpoq, tassani  
ulloq tunniussivissaq kinguartinneqarluni kommunit paa-  
sissutissanik pisariaqartinneqartunik pissarsiniarnis-  
saminnut periarfissalerneqarnissaat siunertaralugu.

**Aqutsinikkut kingunerisassai:**

Siunnersuutip kingunerisassaatur naatsorsuutaavoq kom-  
muunini aqutsinerup oqilisaaffigineqarneranik.

**Aningaasatigut kingunerisassai:**

Siunnersuut 1995-imi aningaasanut inatsimmi naatsorsuu-  
tigineqartutut aningaasatigut kinguneqarnissaa ilimagi-  
neqarpoq.

-----

FM 95/19

SD J.nr. 88-04-00



**Aalajangersakkanut ataasiakkaanut oqaaseqaatit:**

§ 1-imut:

1)-imut

Allannguut pisartakkat tunniunneqartartut 1995-imi aningaasanut inatsimmi konto nr. 20.05.26-imi aalajangersaavigineqarnerannik tunngaveqarpoq, tassanimi aalajangersarneqarmat akitigut ineriartorneq tunngavigalugu aaqqiissuteqartarneq atorunnaarsinneqassasoq, aningaasanullu inatsimmi akit allanngorarnerat malillugu aaqqiissuteqartarnermit taarserneqarluni.

2)-mut

Allannguinerup kingunerisaanik aaqqiineq, tassami isertitat qummut killissaat peqqussummi ilanngunneqarsimasoq meeqqanut tapiissutit qaffanneqarnissaannik EM 94-imi Inatsisartut aalajangiinerisigut peerneqarsimammat.

3)-mut

Allannguut ikkunneqarpoq kommunit malittarisassanik aqutsinerat oqinnerulersinniarlugu, tassa paasissutis-sanik pisariaqartinneqartunik pissarsiniarnissaminnut periarfissiinikkut.

4)-mut

Imm. 1 assigalugu immikkoortoq taanna akit ineriartornerat tunngavigalugu aaqqiissuteqartarnerup atorunnaarneranut attuumassuteqarpoq.

§ 2-mut:

Allannguutissatut peqqussut 1. juli 1995 aallarnerfigalugu atortuulersinneqassasoq siunnersuutigineqarpoq 1995-imi aningaasanut inatsimmi missingersuutitigut aaqqiissuteqarnissami tunngavigineqartup anguneqarnissaa siunertaralugu.

Meeqqanut akilersuutit il.il. kiisalu meeravissiar-  
taarnermi tapiisutit tunniunneqartarneri pillugit Inatsi-  
sartut peqqussutaata allanngortinneqarneranik Inatsi-  
sartut peqqussutissaattut siunnersuut.

§ 1

Meeqqanut akilersuutit il.il. kiisalu meeravissiar-  
taarnermi tapiissutit tunniunneqartarneri pillugit Inatsi-  
sartut peqqussutaanni nr. 2-mi 3. marts 1994-imeersumi  
makku allannguutigigitinneqassapput:

1. § 4, imm. 2 imatut oqaasertalerneqassaaq:

"Imm. 2. Akilersuutit pisortanit siumoortumik tun-  
niunneqarsinnaasussat tassaapput nalinnginnaasumik aki-  
lersuutit ataani taaneqarsimasut, amerlanerusunik aki-  
lersuisussaataaneq aalajangersarneqarsimagaluarpa-  
luunniit:

- 1) Nalinginnaasumik akilersuutit ingerlaavartut.
- 2) Anaanap erninera qaammatinik marlunnik sioqqullu-  
gu aamma qaammammik ataatsimik kingoqqullugu aki-  
lersuutit.
- 3) Erninermut atatillugu aningaasartuutinut akiler-  
suutit.

---

FM 95/19

SD J.nr. 85-00-00

- 4) Meeqqap kuisinneranut atatillugu akilersuutit.
- 5) Meeqqap apersortinneranut tassungaluunnit assingusumik pisoqarneranut akilersuutit."

2. § 5, imm. 1 aamma 2 imatut oqaasertalerneqassapput:

"§ 5. Nalinginnaasumik akilersuutit § 4, imm. 2-mi taaneqartut aningaasanut inatsimmi aalajangersarneqartassapput.

*Imm. 2.* § 4, imm. 2-mi meeqqanut akilersuutit taaneqartutut atuuttut Isumaginninnermut Suliffeqarnermullu Pisorta qarfiup 1. aprilimi aamma 1. oktoberimi tamanut nalunaarutigisassavai."

3. § 5, imm. 3-5 atorunnaarput.

## § 2

Inatsisartut peqqussutaat manna 1. juli 1995 aallarnerfigalugu atortuulersinneqarpoq.

*Imm. 2.* Tunniunneqartartut amerlassusii atuuttut 31. december 1995-ip tungaanut atuutissapput.

Namminersornerullutik Oqartussat, ulloq

Lars Emil Johansen

/ Benedikte Thorsteisson

Meeqqanut akilersuutit il.il. kiisalu meeravissiartaarnermi tapiissutit tunniunneqartarneri pillugit Inatsisartut peqqussutaata allanngortinneqarneranik Inatsisartut peqqussutissaattut siunnersuummut oqaaseqaatit.

**Ataatsimut isigalugu oqaaseqaatit:**

Allannguutissatut siunnersuut manna 1995-imi aningaasanut inatsimmi pisartakkatut tunniunneqartartut akitigut ineriartorneq tunngavigalugu aaqiivigineqartarnerisa atorunnaarsinneqarnerannut tunngavissiarineqartoq pisutigalugu saqqummiunneqarpoq, tassani ukiumoortumik aningaasanut inatsisini tunniunneqartartut amerlassusiisa erseqqissumik aalajangersarneqartarnissaannik taarserneqarnissaat siunertaralugu.

**Aqutsinikkut kingunerisassai:**

Siunnersuutip aqutsinikkut arlaatigut kinguneqarnissaa ilimagineqanngilaq.

**Aningaasatigut kingunerisassai:**

Siunnersuut 1995-imi aningaasanut inatsimmi naatsorsuutigineqartutut aningaasatigut kinguneqarnissaa ilimagineqarpoq.

---

FM 95/19

SD J.nr.85-00-00

**Aalajangersakkanut ataasiakkaanut oqaaseqaatit:**

§ 1:

1) -imut.

Allannguut akitigut ineriartorneq tunngavigalugu aaq-qissuteqartarnermiit akit allanngorarnerat malillugu aaqqiivigineqartarnerannik taarserneqarneranut atatil-lugu malittarisassat tulleriissaarneqarnerannik tunnga-veqartinneqarpoq. Paasiuminartuutitsinissaq siunertara-lugu tunniunneqartartut suussusii § 4-mi maanna taane-qarsimapput.

2) -imut.

Allannguut pisartakkat tunniunneqartartut 1995-imi ani-ngaasanut inatsimmi konto nr. 20.05.26-imi aalajanger-saavigineqarnerannik tunngaveqarpoq, tassanimi aalaja-ngersarneqarmat akitigut ineriartorneq tunngavigalugu aaqqiissuteqartarneq atorunnaarsinneqassasoq, aningaa-sanullu inatsimmi akit allanngorarnerat malillugu aaq-qissuteqartarnermit taarserneqarluni.

3) -mut.

§ 5, imm. 3-5 atorunnaarsinneqarnerat akitigut ineriar-torneq tunngavigalugu aaqqissuteqartarnerup atorunnaar-sinneqarnerata kingunerisaanik atorunnaarsitsineruvoq.

§ 2-mut:

Allannguutissatut peqqussut 1. juli 1995 aallarnerfiga-lugu atortuulersinneqassasoq siunnersuutigineqarpoq

1995-imi aningaasanut inatsimmi missingersuutitigut  
aaqqiissuteqarnissami tunngavigineqartup anguneqarnis-  
saa siunertaralugu.